

Wužiwanski porjad

1. Serbska centralna biblioteka je relatiwnje samostatny wotrjad Serbskeho instituta z. t. Jej přisteji wobstaranje, zadžělanje, archiwizowanje a spřístupnjenje cyłeje serbskorěčneje literatury a wozjewjenjow wo Serbach. Nimo toho zběra wona tu- a wukrajnu fachowu literaturu z duchowno a socialnowědneho wobłuka wotpowědnje wotrjadam a slědžerskim předewzacam Serbskeho instituta.
2. Wužiwanje biblioteki je bjezplatne. Přez zapis do wužiwanskeje knihi so wužiwanski porjad připóznaje a z tym přizjewjenje zdokonja.
3. Formy wužiwanja: Serbska centralna biblioteka je w přnim rjedže prezenčna knihownja. Jeje wobstatki so w čitarni, wot wědomostnych sobudžělačerjow instututa w džělowych rumnosćach, wužiwaja. Wupožčenja zwonka domu su za wědomostne a powołanske zaměry wotpowědnje powšitkownje za biblioteki plaćiwym postajenjam móžne.
4. Wupožčenski čas wučinja za knihi w zasadže 4 njedzele, za nowiny a druhe medije 2 njedzeli. Biblioteka je wopravnjena wupožčene informaciske žórta kóždy čas, tež před wotběhom wupožčenskeho časa sebi wróčo žadać. Podlěšenje wupožčenskeho časa dyrbi so před wotběhom tuteho přizjewić. Při překročenju wupožčenskeho časa so wupožčer poplatnje napomina. Wostanu napominanja bjez wuspěcha, so žadanja biblioteki sudnisce přesadza.
5. Wobmjezowanja wupožčenja plaća za
 - a) knihi a časopisy, kiž dyrbja w čitarni za wužiwarjow kóždy čas k dispoziciji stać,
 - b) serbske periodika (hač na Časopis Maćicy Serbskeje a Lětopis) a t.m.j. historiske časopisy,
 - c) před 1950 wušte knihi (Wuwzaće: knihi, kiž su we wjacorych eksemplarach we wobstatku a k drohoćinkam njeliča).Nawoda biblioteki smě we wěstych padach wupožčenske wobmjezowanja zběhnyć abo přidatne postajić.
6. Wužiwar je winowaty z wobstatkami biblioteki swědomiče wobchadzeć a njesmě je změnjeć (to rěka so tež pasć našmórnjenjow), womazać abo wobškodzić. Kóždu škodu abo zhubjenje ma wužiwar narunać.
7. Wužiwar je wopravnjeny, so samostatnje poslužić wědomostnych pomocnych srědkow, na př. bibliografijow a časopisow, kiž su w čitarni za wólnoručne wužiwanje. Čitar smě kopěraki wužiwać, hdyž zakónske postajenja awtorskeho prawa wobkedźbuje. Wužiwarjo njesu sami zamołwitosć při zranjenju awtorskich prawow. Kopije z historiskich knihow, časopisow a nowin smědza so jenož wot sobudžělačerjow biblioteki zhotowjeć.
8. Jednotliwym wotrjadam instituta móža so přiručne knihownje jako dołhodobne požčonki přewostajić. Zamołwitosć za tute požčonki njese stajnje jedyn wot wotrjadnika pomjenowany kolega. Wupožčować z tutej wobstatkow smě so jenož přez biblioteku.
9. Za kopije a druhe poslužby zběra so poplatkowemu porjadej wotpowědowacy poplatk.
10. Tutón wužiwanski porjad nabudže plaćiwosć 1. januara 2007 a naruna dotalny.